

# RICOMINCIO DA TRENTA

*Trent'anne 'e cuorpe, lotte e sgarre. Napule Pride 1996-2026.*

## Articolo 11

### Costituzione della Repubblica Italiana

L'Italia ripudia la guerra come strumento di offesa alla libertà degli altri popoli e come mezzo di risoluzione delle controversie internazionali; consente, in condizioni di parità con gli altri Stati, alle limitazioni di sovranità necessarie ad un ordinamento che assicuri la pace e la giustizia fra le Nazioni; promuove e favorisce le organizzazioni internazionali rivolte a tale scopo.

### 'A libertà nun se corregge

'O tema sciveto d'ò Comitato **Napule Pride 2026** tene nzieme ddoje verità ca nun se ponno spàrtere: una pulitica, ca parla ô presente, e n'ata ca fa storia e ca passa pè trent'anne 'e lotte. 'A primma è semprice e tosta: *'a libertà nun se corregge*. 'A siconda è ca chesta libertà tene na storia longa trent'anne e ca fonna 'e radice soje dint'â cultura d'accoglienza 'e sta città.

Nun se correggono 'e cuorpe. Nun se correggono ll'identità. Nun se correggono ll'orientamiente, 'e desiderie, 'e sentimento, 'e famiglie. Nun se corregge 'o dissenso. Nun se corregge 'a libertà d'esistere, 'e dicidere pe' sse stisso, 'e campà overamente 'a vita soia. Cu stu tema jàmmo a denunzià 'a calata autoritaria, repressiva e moralista 'e nu tempo pulitico addò tutto chello ca nun s'allinea vene mazziato, screditato, levato 'e miezo, marginato.

**Denunziammo nu putere** ca sèguita a trattà 'e differenze comm'a difiette a cuntené, 'e perzone comm'a uaje a disciplinà, 'e libertà comm'a cuncessione da limità. Nuje arrispunnimmo ca 'e vvite noste nun so' sbagliate da sanà o devianze da correggere, ma spazie ca nisciuno pò tuccà, addò ognuno è patrone 'e se stisso.

'O 2026 segna 'o **trentesimo anniversario** 'e chella primma, curaggiosa scennuta 'n chiazza d'ò **29 'e giugno 1996**. 'O Pride 'e Napule, 'o primmo ô Sud Italia, nun è stato maje sulo na sfilata: s'è appresentato, n'fino a' principie suoje, comm'a nu fatto pulitico e suciale bbuono p'anticipà 'e tiempe, capace d'anticipà 'e tiempe, 'e dettà 'e fatti naziunale e — cosa unica dinto a tutta Europa — 'e nun s'astutà maje, manco quanno tutto 'o munno stava 'n lockdown. Nun è stato maje sulo nu festeggiamento, ma na storia pulitica, cullettiva e 'e core ca passa pe' mmiez'ê generaziune, 'e cuorpe, 'e lotte e 'e cagnamiente d' 'a suggettà.

A trent'anne a sta parte 'o Pride 'e Napule è farse vedé, addumannà deritte, è mementoria viva, resistenza e gulìa 'e futuro. È 'o segno overo 'e na comunità ca ha saputo piglià 'a parola, occupà ogni chiazza, ligger' 'e cagnamiente d' 'a società e trasfurmà 'a presenza soia dinto a na dumanna radicale

'e libertà. Sta storia ce lassa mmano na respunsabilità precisa: cuntinuà a fà d' 'o **Pride nu spazio 'e lotta**, 'e visione e 'e trasformazione, capace 'e legger' 'o presente e 'e prununcià 'o futuro.

Pe' cchesto, dint'ò 2026, 'o Napule Pride nun festeggia sulo n'anniversario: nchiova n'ata vota na prumessa pulitica. Trent'anne 'e Pride vonno dicere trent'anne 'e curaggio, alleanze, 'e lotte spartute assieme, 'e deritte azzicchecate e 'e deritte ca s'hanno ancora d'addifennere. Vonno dicere 'a volontà 'e cuntinuà a ce stà, cu uorgoglio e respunsabilità, cu 'a capatosta ca 'o Pride nun è sulo na fiurata simbolica, ma na fatica viva ', giustizia suciale e cagnamiento culturale.

**Pecché da trent'anne, a Napule, 'a libertà nun se corregge.**

'A rivendicazione nosta truova 'a casa soja naturale a Napule, città 'e mare, 'e puorto e d'accoglienza. Nun è nu caso ca d'ò 2013 'a marcia nosta ha pigliato cu fierezza 'o nomme 'e *Mediterranean Pride of Naples*. 'O Mediterraneo nun è sulo nu mare, ma nu ncrocio fluido 'e culture, llengue, cuorpe e storie ca s'ammiscano senza s'annullà maje. Napule è 'a capitale 'e st'incrocio: na terra ca storicamente s'abbraccia 'e differenze e s' 'e ffa soje, scartanno l'idea stessa d' 'o cunfine e d' 'a scartà a caccuno. Dint'a na città 'e **Pace** ca da sempe fa de ll'accoglienza ll'anema soja cchiù profonda, 'o messaggio bbatte ancora cchiù fforte: chi t'accoglie te riceve pe' chello ca sì. **Dint'ò mare nuosto e dint'â città nosta, 'a libertà scorre fluida, 'e cuorpe s'incòntrano, e 'a vita, semplicemente, nun se corregge.**